

金大史文集

金
光
寺
藏
書

金正希先生文集輯畧目錄卷之八

唐中丞傳、

郡司李生祠記、

重建南漳魯侯永慕祠記、

建陽令黃侯生祠碑記、

重修黟縣學宮碑記

奠尹太翁太母、

奠君召三兄、

祭汪文烈公、

太學生程君墓誌銘、

程文學墓誌銘、

家墓誌銘、

讀因清輿記跋、

勸翰修汪王廟引、

王氏家規引、

巖鎮暇脩社引、

黃石義防引、

告郡邑人、

友助事宜、

諭各鄉社牌

<p>文獻通考</p>	<p>卷之八</p>	<p>禮儀典</p>	<p>禮儀典</p>	<p>禮儀典</p>	<p>禮儀典</p>	<p>禮儀典</p>	<p>禮儀典</p>	<p>禮儀典</p>
-------------	------------	------------	------------	------------	------------	------------	------------	------------

唐中丞傳 庚辰

皇明御八極疆圖縱廣盡萬里而楚適當天下中
顯陵屹然中都相望 今上龍飛殷憂多難壬申流
寇繇晉入秦豫延蔓及楚楚境若邊境掄補江漢間
監司皆以邊才舉 天子盱衡全楚節鉞難其人集
廷議僉推唐太常乃報可太常名暉別號中楫新安
之歙人也是爲唐中丞中丞以是年出撫楚至乙亥
凡官三年皆躬行間無幾何時得坐省會而楚幅幘
旣長且橫其頂及秦脊當中州頤支于蜀而尾接淮

南其凸胸開面而當賊鋒者橫二千餘里不得翼蔽
亦無從策應方西北邊辟如自關外故開鐵迤運薊
永達上谷雲中而責一撫獨當使無入當是時粵
東寇方躡吉安將入長沙臨藍土寇又駕餘艘順流
而下劫長沙庫獄屠燹狎報楚人震恐中丞移師援
豫章驅粵東寇南遁發兵用間入賊巢擒渠魁遂平
臨藍又水盜高大等聚衆稱王結寨江湖間賈舶不
得通中丞用奇盡蕩之癸酉之冬則寇盡渡河大掩
至分東西部交通陵寢門戶中丞冒大雨雪無日

夜先馳入郢分兵扼險授諸才弁周元儒吳國禎等
方畧度寇所必出應山間道設死士伏以待果與遇
大破之斬其帥十閭羅賊氣奪而西遂圍荆門會叅
將楊正芳兵至再戰再捷荆圍遂解楊正芳者先是
中丞入楚時卽廉知其能特相委任授以辰沅鎮筧
精卒令屯湖北備緩急者也未幾寇復從光羅大舉
分犯蘄黃承德間而前所調護 陵兵適奉 廟議
遣徹全楚皆震乃用三司理披胄從事急調施州夷
及女官冉氏兵督以一司理駐京山爲郢聲援使賊

却走以一司理密據水陸咽喉爲五通口伺賊半濟而擊得大殲焉以一司理上下水陸間相與翼擊使賊不得奪舟渡河而中丞自駐漢上安諸商鎮亂民時定籌策勝亦仗劔赴援 陵寢藩邸間若不知有寇至者功垂就而議起坐以失糾舉屬吏 上不獲已予免歸戊寅大司馬錄論前功 天子追念復原官予賚白金已卯輔臣奉 命督師士大夫望中丞再來用楚人佐驅除而中丞以積勞致疾竟不起中丞中萬歷庚戌進士先授武昌司理以艱去再補開

封入爲吏部郎爲忤璫同諸君子落籍 上登極召
拜璽卿晉太常後學金聲曰中丞而後爲楚中丞者
難矣萬歷壬子中丞理武昌時聲方髫讀書武昌一
從市上望見入棘闈聞諸士子闈門嘖嘖今歲闈門
寬廠無擁擠苦地砌石免泥濘君子哉唐司理中丞
以司理例摧稅務三月所餘金近萬悉上而官用繕
治闈門街其一也是歲中丞分較所首得士羅宗伯
黃江後爲予師中丞有孫獻遂聘予女予時侍左右
生平未嘗一見其怒容有同譜久失職且重遭王難

金大身集 卷八
而大落魄厚遇之一如方顯宦者歿而卹視其子不
少衰中丞有弟斫方中丞在楚爲予言曰用兵宐嚴
猛而吾兄性慈行間用財欲汰而吾兄性廉其不稱
與予謂不然刑濫則失威賞輕反無恩必如是者乃
爲宐稱今之邊才吾皆知之矣中丞之先世祖有仲
寔公國初高皇帝過公里問大計以不嗜殺人對
稱上旨嗚呼惟不嗜殺人乃可使殺人嗚呼中丞
其繩武之胄矣

司李生祠記

戊寅

公去而入朝於今且四年邑人之欲祠公者今始得祠焉天下之爲祠如是祠焉者暮矣何故暮或曰成公之祠也難何故難皆曰公之去上自士大夫故家巨室下逮氓佃牧豎寡婦孤子無不合口一聲謂我邑之宜祀公也而不知其何以卒無一二人能以其一二家之力奮其一二事之感而卒成之一二日之間者也冬深寒隆日之溫不如燎火之炙人之甚也而甚者不越咫尺溫且普一天下及時之趨長至也

於是天下寒氣盡耳雖夜沒陰雨而甞燠初不必其
時出而炤人也公於邑非有字牧之任也不過視篆
凡三來視而通計之不過數月其要勇于爲邑大剗
民害而已邑所謂害不知邑之深者以爲是固諸富
人受之邑可堪也不念邑固耗敗不忍言矣且是諸
害其自中家而下莫不并罹且中家以下之罹是害
也實又有甚能鈎抉而爬剔之則若寒氣盡耳故其
受於公者莫不溥也公方去而卜公祠之址定焉今
日過祠之址而咨嗟嘆息曰是祠胡不就又他日過

祠之址而低徊不能平日是祠胡以久不就百姓之意若相責也者以爲莫不有所受於公也獨吾君也乎哉乃久而悟相責之適以相推也能集衆未嘗不多如是而且相競會歲大稔刈獲之後不浹旬垂成祠所用人之輸計不下千家其力不能不從旁歡呼贊嘆及其力雖不能而感奮欲輸而以其力不能而謝置之者其人皆不與焉邑士大夫鮮居田間余適承乏當操筆爲記當時公卓卓余亦落落公不我罪我亦不公黷非以同籍之故今有私可阿也嗚呼天

下之祠如是祠焉者盛矣吾行天下見有祠處卒問其土人往往爲言初不必盡出百姓之意其百姓之心欲爲其人祠者往往或不得祠有其人見當官未離去而廟貌已儼就不則其再來而臨此地上官而其民再觸而感感而思思而興事或買宅作廟則亦有在數年後者矣故每嘗念言彼有一二人能以其一二家之力奮其一二事之感而成於一二日之間者以爲雖不百姓乎猶其民爲之也嗚呼盛矣

重建南漳魯侯永慕祠記

庚辰

邑故大父母魯公名點字子與號樂同楚之南漳人也令於休爲萬歷丙申丁酉間蓋公去休而不佞聲始生然聲時聞邑父老坐論間數繇來邑大父母或自公前或自公後至於公則正色莊容莫不嘆息至爲流涕往往若大孝子與人常語而忽稱及亡父母卽歛噓不自禁者人何故思公乃爾豈其後果無繼公與抑如公亦實大難爲繼也公操冰蘖一介無所取在邑實稱難邑不幸虛有富名而蠹吏猾胥及閭